

薛氏醫書

五

女科撮要目錄

卷之上

經候不調

經漏不止

經閉不行

帶下

血分水分

小便出血

熱入血室

師尼寡婦寒熱

歷節痛風

流注

瘰癧

乳癰乳巖

血風瘡

癰瘡

陰瘡

各症方藥

卷之下

保胎

小產

保產

子死腹中

胎衣不出

交骨不開陰門不開子宮不收

產後腹痛

產後血暈并失血

產後發瘧

產後便血

產後大便不通

產後寒熱

產後咳嗽

產後瘧疾

產後泄痢

各症方藥

女科撮要目錄終

女科撮要卷之上

古吳薛已著

檇李蔣廉校

經候不調

經曰飲食入胃遊溢精氣上輸於脾脾氣散精上
歸於肺通調水道下輸膀胱水經四布五經並行
故心脾平和則經候如常苟或七情內傷六淫外
侵飲食失節起居失宜脾胃虛損則月經不調矣
若先期而至者有因脾經血燥有因脾經鬱滯有

因肝經怒火有因血分有熱有因勞役火動其過
期而至者有因脾經血虛有因肝經血少有因氣
虛血弱主治之法脾經血燥者加味逍遙散脾經
鬱滯者歸脾湯肝經怒火者加味小柴胡湯血分
有熱者加味四物湯勞役火動者補中益氣湯脾
經血虛者人參養榮湯肝經血少者六味地黃丸
氣虛血弱者八珍湯蓋血生於脾土故云脾統血
凡血病當用苦甘之劑以助其陽氣而生陰血俱
屬不足大凡肝脾血燥四物爲主肝脾血弱補中

益氣爲主肝脾鬱結歸脾湯爲主肝經怒火加味
逍遙爲主

治驗 肝經怒火風熱等症

一婦人內熱作渴飲食少思腹內近左初如雞卵
漸大四寸許經水三月一至肢體消瘦齒頰似瘡
脉洪數而虛左關尤甚此肝脾鬱結之症外貼阿
魏膏午前用補中益氣湯午後以加味歸脾湯兩
月許肝火少退脾土少健仍與前湯送六味地黃
丸午後又用逍遙散送歸脾丸又月餘日用蘆薈

丸二服空心以逍遙散下日晡以歸脾湯下喜其
謹疾調理年餘而愈

一婦人腹內一塊不時上攻或痛作聲吞酸痞悶
月經不調小便不利二年餘矣面色青黃相兼余
作肝脾氣滯以六君子加芎歸柴胡炒連木香吳
茱各少許二劑却與歸脾湯下蘆薈丸三月餘肝
脾和而諸症退又與調中益氣加茯苓丹皮中氣
健而經自調

一婦人發熱口乾月經不調兩退無力服祛風滲

濕之劑。腿痛體倦。二膝浮腫。經事不通。余作肝脾
腎三經血虛火燥症。名鶴膝風。用六味八味二丸
兼服。兩月形體漸健。飲食漸進。膝腫漸消。不半載
而痊。前症若脾腎虛寒。腿足軟痛。或足膝枯細。用
八味。若飲食過多。腿足或臀內痠脹。或浮腫作痛。
用補中益氣。加茯苓。半夏。主之。

一婦人性沉靜。勤於女工。善怒。小腹內結一塊。或
作痛。或痞悶。月經不調。恪服伐肝之劑。內熱寒熱
間作。不利飲食。不甘形體日瘦。牙齦蝕爛。此脾土

不能生肺金肺金不能生腎水腎水不能生肝木
當滋化源用補中益氣六味地黃至仲春而愈

公直太守何恭人性善怒腹聚一塊年餘形體骨
立倏熱往來脞蝕透腮或泥春旺木剋土仍行伐
肝時孟冬肝脉洪數按之弦緊餘脉微弱余曰洪
數弦緊肝經真氣虛而邪氣實也自保不及何能
剋土惟面色青中隱白乃腎水不足肝木虧損肺
金剋制惟慮至春木不能發生耳勉用壯脾胃滋
腎水之劑肝脉悉退後大怒耳內出血肝脉仍大

醫之如無煩躁作渴此無根之火以前藥加肉桂
三劑肝脉仍欬熱渴頓退復因大怒以致飲食不
進遂卒於季冬辛巳日此木衰弱而金刑剋信夫
一婦人經候過期發熱倦怠或用四物黃連之類
經兩月一度且少而成塊又用峻藥通之兩目如
帛所蔽余曰脾爲諸陰之首目爲血脉之宗此脾
傷五臟皆爲失所不能歸於目矣遂用補中益氣
濟生歸脾二湯專主脾胃年餘尋愈

一婦人無髻稜痛後及太陽面青善怒余作膽經

風熱用選奇湯合逍遙散加山梔天麻黃芪半夏
黃芩而愈此症失治多致傷目或兩耳出膿則危
矣

一婦人耳鳴內熱經行不調肢體倦心飲食無味
余以爲肝脾虛熱用四君加柴胡山梔丹皮甘草
而愈

一婦人素勤苦冬初患咳嗽發熱久而吐血盜汗
經水兩三月一至遍身作痛或用化痰降火口噤
筋攣謂余曰何也余曰此血虛而藥益損耳遂用

加減八味丸及補中益氣加麥門五味山藥治之
年餘而痊

一婦人耳內或耳後項側作痛寒熱口苦月經不
調余以爲肝火氣滯而血凝用小柴胡加山梔川
芎丹皮治之諸症悉退

一婦人年四十素性急先因飲食難化月經不調
服理氣化痰藥反肚腹膨脹大便秘瀉又加烏藥
蓬朮肚腹腫脹小便不利加猪苓澤瀉痰喘氣急
手足厥冷頭面肢體腫脹指按成窟脉沉細右寸

爲其 余曰此脾肺之氣虛寒不能通調水道下輸膀胱滲泄之令不行生化之氣不運卽東垣所云水飲留積若土之在雨中則爲泥矣得和風暖日水濕去而陽化自然萬物生長喜其脉相應遂與金匱加減腎氣丸料服之小便卽通數劑腫脹消四肢漸溫自能轉側又與六君加木香肉桂炮姜治之全愈後不戒七情飲食卽爲泄瀉仍用前藥加附子五分而安

婦人飲食每用碗許稍加非大便不實必吞酸

變腐或以爲胃火用二陳黃連枳實加內熱作嘔
余曰此未傳寒中故噯氣吞酸脹滿痞悶不信仍
作火治虛症並至月經不止始信余以六君加炮
姜木香數劑元氣漸復飲食漸進又以補中益氣
加炮姜木香茯苓半夏數劑全愈後因飲食勞倦
兼之怒氣飲食頓少元氣頓怯用前藥更加發熱
誠似實火脉洪大按之而虛兩尺如無此命門火
衰用補中益氣加姜桂及八味兼服兩月餘諸症
悉愈此症若因中氣虛弱者用人參理中湯或六

君子加木香炮姜不應用左金丸或越鞠丸虛寒者加附子或附子理中湯無有不愈

一婦人素有頭暈不時而作月經遲而少余以爲中氣虛不能上升而頭暈不能下化而經少用補中益氣湯而愈後因勞而仆月經如湧此勞傷火動用前湯加五味子一劑服之卽愈前症雖云亡血過多氣無所附實因脾氣虧損耳

一婦人年四十勞則足跟熱痛余以爲陰血虛極急用聖愈湯而痊後遍身瘙癢誤服風藥發熱抽